

雲南通志

第十七册

二十五卷

四

地350
32
217



雲南通志卷之第二十四

流寓



蜀道難矣而滇之行路張舍歌其尤險羈客騷
人宜罕托足焉然雍陶賈島輩接踵苴蘭豈山
川風土致足樂歟抑天地蘧廬達士之芳躅不
以萬里限也乃若孤臣放逐未卜刀環或倡道
學於荒陬或播文章於異域使過者佩其芳徽
而薰其薌澤得非名賢賁止遺跡難忘者耶不
然浣溪工部海嶠坡仙風流應久歇矣作流寓

雲南通志

卷之二十四

流寓

志

雲南府

唐

賈餘絢

蜀人善屬文尤長于書初寓雲南西爨王碑其手書也

閻丘均

成都人與陳子昂杜審言齊名武后時官博士尋罷後從唐九徵為管記南中

碑碣多出其手西爨王碑其撰文也今傳有臨水亭詩云高館基層山微幕坐芳草傍對野村樹下臨車馬道清朗娛心微幽遐備瞻討回合峯隱雲聯綿渚縈島氣似靈洲勝風為青春好相及盛年時無令嘆衰老或云回合峯隱雲二句殆為蒼洱作但不記亭所在耳

賈島

字浪仙咸陽人能詩唐末寓雲南有送雍陶入蜀詩江山事若諳那肯滯雲南

草色分危磴杉陰近古潭日斜存衣谷鳥
夏淺嵩州蠶吾自疑雙鬢相逢更不堪

雍

陶 成都人唐末寓昆明有送裴璋還蜀詩
家住劍門外新年音信稀自為千里客

已送幾人歸陌上月初落馬前花
正飛離言殊未盡春雨濕征衣

明

靖江王守謙

高祖兄南昌王孫文正子洪武二
年封於桂林未幾廢居鳳陽閱七
年使居雲南賜璽書戒諭比至雲南
作書通百彝忤上意以貪暴召還

周王橚

太祖子高后出洪武十二年封於開封
建文中竄雲南已而召還靖難復封洪

熙中薨
諡日定

唐循仲

浙江淳安人長於詩洪武中父宗喜戌
滇未行卒兄凱仲例當代戌循仲憫兄

雲南通志

卷之二十四

流寓

二

無倚願與偕行居數載兄以疾
終循仲竟哀痛而歿人皆悲之

樓

璉 金華人以明經歷官宣寧仁壽大冶主
簿藍田縣知縣廣東道御史洪武間謫

戌後詔還
有居彝稿

平

顯 字仲微杭州人洪武間應孝弟力田為
廣西藤縣令降主簿尋謫戍博學能文

西平侯沐英請於朝除伍
籍為塾賓著有松雨軒集

費良弼

吳興人洪武初以蘇州太守謫戍每旦
擐甲執爰登陴風雨罔懈西平侯沐春

禮遇之為建庖室於城隍之側以幼軍一人
置爰忽數日堅臥不起西平遣人候其疾弼

日疾痛則無官車已晏駕矣後十餘日哀詔
果至其精天象類如此初崇正門在西南直

下羊市街弼言其不利因
改闢於東尋召為博士

寇鼎 字良用偃師人年十二能詩隨父比部郎克仁戍滇後以文學舉郡庠博士不

就著有池蛙餘響音啓蒙韻畧

逯昶 字光古懷慶人洪武初戍滇通經術能詩賦著有方外集

陳謙 字以遜蘇州人寓昆明別號大齋能詩有禾齋集

蘇珵 號信庵池州人寓昆明能詩有信庵集

元曦 字載陽號畏齋長沙人寓昆明能詩

董菩 字德善號蒲石生鄞縣人寓昆明能詩著蒲石集

傅天錫 穎川人大名府知府洪武中謫昆明

曾日章 翰林學士洪武年昆明安置

雲南通志 卷之二十四 流寓 三

陳士瑞 翰林學士洪武初謫戍寓居會理里子孫世居之

劉有年 字大行沅州人洪武中以明經薦拜監察御史尋辭秩養母忤旨罰輸通州站

役檢閱儀禮逸經十八篇上之命付史館建文中起知太平府有治聲靖難師至有年不

迎安置昆明與王忠文子紳道義相許黔國知其賢遣子就學常有寓軒詩曰乾坤間中

氣物各有所寓俯仰觀宇宙萬物森然具鴻鴈翔翮南蟬蛸寄朝暮軒居悟深情於焉幾

居處嘯傲心獨閒其中得真趣後交耻平起擢按察司僉事卒於官

鄭旭 字景初閩縣人洪武二十二年以學行薦為國子堂儀上幸太學親選材德兼

備者十人以傅太子旭居第二後以蜚語謫雲南建文朝起高安學訓卒旭精心經學著

有詩經總旨初學提綱咏竹稿等書

毛鉉 浙江人翰林侍讀洪武間安置

胡粹中 楚府右長史洪武間安置

朱士林 名緝泰與人洪武間以詩累安置

汝南王有勳 補次子永樂中封汝南王得罪於父文皇遣至雲南居大理能詩文

所撰有無為寺記

潘仁 和州人永樂間以會試同考試官呈誤安置

李儼 字名望永樂間湖廣僉事以忤旨戍滇寓晉寧為人剛正里有爭悉質之卒以

終客

王曇 字夢雲山陰人博通經史尤工於詩正統間代父從軍雅尚儉素有古風教誨

雲南通志

卷之二十四

流寓

四

里開子弟皆向學所著有芸窓吟稿

劉福成 金華人善風角推步正統初從王驥征麓川再從侯璉征貴州多所贊畫寇平

予之官不受附籍宜良年八十餘卒

黃良卿 字延生號硯山江西人博學能詩嘉靖間遊宜良鄉人延為師一時士大夫多

出其門

陳振琦 號二韓黃巖人博洽能詩尤精鍾繇書法結社為文一時風雅宗之崇禎末年

任安寧州守後棄官居宜良今鳳山之原有二韓先生墓

臨安府

明

王奎 字景常松陽人洪武初任懷遠教諭累擢山西右叅政以事謫戍臨安博洽多才詩文高占滇土多從之遊後召還脩高廟實錄遷翰林侍讀永樂間陞學士有南詔王堂稿

韓宜可 字伯時山陰人洪武間山西布政同王奎謫戍行純篤能詩文紳士多使弟子

受學後陞都御史臨安立二賢祠以祀

桂慎 字敬宗慈谿人洪武間以中書舍人謫戍臨安後召還

常昇 開平王遇春次子也襲封開國公抗靖難師安置臨安尋以憂死嘉靖間念其

忠封昇裔孫元振為懷遠侯

常繼祖 開平王之孫永樂間安置臨安携王像以隨尋召至京賜鈔幣遣歸有子寧孫

雲南通志

卷之二十四

流寓

五

復弘治五年錄功臣後日常遇春佐皇祖定天下有大功今其子孫降在氓隸朕甚不忍其加恩承祀乃以復為南京錦衣衛指揮使

李灝 字仲和臨川人天順間入滇至石屏與學正王驥詩文唱和給事中羅晟敬禮

之

趙友能 御史以事謫通海結茅秀山

楊明哲 清江孝廉成化間由四川丹稜教諭左遷石屏河泊益肆力于文諸生執經問

字履常滿焉所著有述古集

曹汝希 字士望華亭人成化間父安任府學訓導署寧州學事遂家焉以詩經中癸卯

鄉試終老不仕

閻 閱 臨清人嘉靖初吏科給事中謫蒙自縣丞寓建水作正巳堂記後召還閱在臨

安探岩穴之勝
今洞即以此名

尹 革 河南人嘉靖間任兵科給事中時揚慎以議禮謫戍革上疏諫亦被斥為太和縣丞因寓蒙自遂家焉其後尹鴻漸尹愉咸祀鄉賢

澂江府

元

埜 喇 蒙古人官右丞相遊滇寓澂江華藏寺以詩書自娛足不履城市卒葬於寺之

山半

明

雲南通志

卷之二十四

流寓

六

張 澥 河汾人元進士迪功郎洪武中因事南遷寓澂以文學名

王 昭 字仲彰韜縣人官陝西監察御史洪武間謫戍居澂

李 彥 和 長興人洪武間謫戍能詩文

李 恂 彥和子工詞翰隱居教授人士重之

武定府

明

程 濟 建文時官編脩精邵子先天之學永樂初靖難兵入帝得太祖遺命落髮從水

關出濟乃易服為道人以從初入蜀未幾入滇時從亡諸臣有或去或來者有早歿者惟濟委曲翼衛歷四十載終始保全建文小疾濟乞藥以進欲構庵濟即募成之供給使令

聽順無忤常奉命迹從亡傳藏之山巖又奉使往河南視王資焦金宣德間從帝還京帝已奉入大內濟乃嘆曰今日方終臣職矣遂還滇焚庵散徒紀始末以付了空名從亡隨筆

馮

漼

黃巖人官刑部司務永樂元年從建文帝出亡後至滇止永嘉寺變姓名稱馬二子或馬翁或塞馬先生尋奉命去十年復至滇時帝先出遊衡山訪漼漼不遇題詩寺壁云夜夢何奇特龍飛天漢津朝橫滄海曲夕過滇池濱光霽皆五色蜿蜒無損鱗淵田變化間張王藉高旻比見老補鍋來相持哭密語竟日即劇詩去帝聞漼入滇亦還至蕭寺無下見二病者即漼與黃直也俄俱死葬於寺東帝題其石曰兩忠之墓

黃直

常州人累官侍中改按察使建文帝出亡直遁遊夔慶間業補鍋人稱老補鍋

雲南通志

卷之二十四

流寓

七

永樂七年入滇訪帝不遇候之仍執舊業偶遇馮漼於市一見愕然相持入山哭語移日且言此後無復相見後復與漼會於蕭寺同病廡下帝自衡山歸見之尋死

郭節

建文帝舊臣也變姓名號雪舫和尚因尋帝至雲南永樂間常於振衣千仞處出袖中一册朗誦不知何書見人至仍貯袖中避他處每登眺盤陀石上亦取袖中册讀之任獅山去來或經年後不知所往

廣西府

明

李在恭

水姓游歙縣人通判游大勳孫也父游奕基流寓師宗在恭萬里尋父因寄籍焉改姓李中副榜丁亥年土賊執奕基在恭聲家得百金贖父命奸人匿金不與反以無

金誑賊賊怒欲殺之在恭愍惶求免弗許求以身代弗許遂以頭撞賊父子同遇害

大理府

唐

杜光庭

青城人寓滇以文章教蒙氏嘗書蒙國大詔碑精抄有法卒蒙學士燹泰葬之

於王局峯麓其子死葬騰衝龍鳳山清平官張羅疋並為立廟

鄭回

西瀘令為南詔所獲屈節偽官其志蓋欲得當以報唐也後說南詔歸唐

趙康

東川人蒙氏封於趙州功德及民土人立廟祀之

明

葉希賢

楊應能

建文時葉官御史楊官吳王府教授建文帝將出亡發高

雲南通志

卷之二十四

流寓

八

帝遺篋有僧牒衣具三帝與葉楊遂分牒祝髮為僧帝名應文葉名應賢楊仍名應能葉楊與程濟等終始隨帝備歷諸險以永樂七年至滇永嘉寺後徙居白龍庵帝與程濟東行留二人守庵及帝還庵為有司所毀葉楊等遂從帝遊浪穹另募構庵以居庵成程濟筮之得剝之坤濟曰剝盡而順吉也然龍戰之詞有凶永樂十年三月楊卒四月葉卒並

瘞庵東

金潤甫

畫史明初謫大理繪武安王廟壁大理之工畫自潤甫始

穆孔昭

不知何許人天順間居鳳羽鄉善吟咏逢人輒教以孝弟所居不蔽風雨非力

不食作竹枝詞寓化導鄉俗之意

謝廷蒞

號古溪富順人嘉靖間吏科給事中言事謫縣尉以風節稱

周良臣

湖廣人舉神童正德間聞北勝州有神童張宗楚不遠三千里訪之因寓焉

永昌府

元

脫脫

順帝時為中書左丞至正中自請出師伐徐州賊朝臣上章留行不果遂假便宜總

制兵馬破賊於徐州又破張士誠於高郵城外哈麻忌其功喉御史表賽因等劾之詔削官爵安置淮安襲伯遂曰丞相常受密旨宜一意進討且勿開詔脫脫曰是與天子抗也如君臣何遂受詔既而臺臣又論其謫輕再徙雲南之鎮西騰衝知府高惠欲事以女辭曰吾罪人也安敢念此後再徙阿輕乞之地惠發兵圍之哈麻遣使賜以鴆

明

雲南通志

卷之二十四

流寓

九

范從文

字復之崑山人文正公十三世孫洪武中以國子生奉使稱旨擢監察御史改戶部總部主事以罪謫戍莊浪復改戍金齒十年赦歸以薦為金華訓導所著有小學字章詰宗牒諧遺後齋集若干卷

姬思忠

樂亭人元參知政事洪武初歸附受監察御史後以事編置金齒律身以禮葬

俗化之

劉寅

崑縣人洪武庚戌進士江西僉事謫金齒貨藥訓蒙所著有武經直解傷寒脉賦標幽賦註其自銘曰少遊漳陽老滯永昌道不遂其初志心終焉而遑遑研窮典籍著述文章愧無補於名教徒取笑於大方知非思改得善慮亡幸獲享於中壽即九原而徜徉萬曆間巡撫陳用賓祀於會城與漢王褒明楊慎為三賢云

高 莘

山東人洪武中以起居注謫戍金齒時武臣強橫累欲延為館賓免其從役莘

不從因令之守門終日執爨乃至辱於泥塗衣履狼籍殊無戚容其耿介如此

周志鉉

字元亮永安進士洪武初官翰林謫戍金齒精春秋人稱節孝先生

謝咬兒

不知何許人父昇以靖難被誅囚并其祖父旺安置金齒

徐有貞

初名理字元玉吳縣人天順改元以迎復功特進在國武功伯尋以論誣殺于

忠肅罪編金齒居歸休庵一小室執爨守城不異行伍三年賜還

祝 璫

德興儒士性耿介工詩文尤善易以罪戍騰衝尋宥歸從學者留之遂家焉年

七十餘猶讀書不輟

楊 慎

字用脩新都人父廷和以無子禱於神神以五代夏魯奇應之日武臣也輔以中

雲南通志

卷之二十四

流寓

十

庸十八章遂生慎年十一擬過秦論後舉鄉試第三會試第二廷試第一奉命祀江濱以父命見楊文襄公於京口觀所藏書無不言言成誦慎大懼益發憤讀書武皇數遊幸慎上書諫不報遂移疾歸世宗繼統起慎為講官講尚書金作贖刑篇言大憝不可贖蓋指罪當張銳于經等以進金得免云會大禮議起慎同毛澄范總毛玉諸臣力諫又公倡跪門之議帝怒下慎獄十日內再杖之創甚斃而復甦遂戍永昌時滇之御史郭楠上疏乞宥議禮諸臣被詔下獄自是無敢救慎者居頃之安鳳變起困木密所慎戎服往援與副使張莪謀固守官兵與賊戰城外慎促城內兵開門夾攻之賊敗去安寧守欲權民鹽牛稅慎謂此刁錐者宜推與民軍官言濬海口役為利督丁夫六千人下海民苦之慎作書箴告當事俱報罷戍滇三十五年凡兩迤郡縣名勝皆與其士大夫相唱和放浪湖山宥

心著迹前後歸蜀者再晚欲長歸不獲竟死
滇喪還藁葬新都北門外數百武穆宗卽位
贈光祿少卿昔毅廟問注張星曆官不能對
以問慎慎曰柳星也世廟問喬宇鬼所四字
慎卽舉以對其後詢明第一博
聞之士或曰慎世廟爲之默然

季思友

不知何許人工於琴結庵聖泉寺時有
紅光滿室嘗鳴琴以自樂詩云蕉尾絃

難續思賢幾憶回不同箕子操堪比蔡邕
片黃花落聲聲柳絮飛陽關人已遠秋雨
掩柴扉

易

恒

字可久長沙人正統中至昆明復徙騰
衝積學篤行郡人賴其薰陶善書工詩

文有思
誠稿

附節婦宋氏

金華人洪武時夫爲閩州守以事
死獄中仍籍其家妻毋皆遠戍金

雲南通志

卷之二十四

流寓

十一

齒宋能詩性孝有氣節官校押送者不敢睨
視長途奉姑不少懈過盤江題郵亭壁上訴
其冤苦至今見者淚下明御史陰汝
登建祠永昌勒其詩於石

楚雄府

明

黃

輔巴縣孝廉成化間任南安州學正後寓
廣通聚徒講學士賴淬勵卒知縣蔣哲

營墓於
東山

姚安府

唐

李

善

江都人有雅行淹貫古今善屬辭號爲
書簾顯慶中累遷崇賢館直學士兼沛

王侍讀為文選註敷析淵洽表上之賜賚頗渥出為潞王府記室參軍遷涇城令坐與賀蘭敏之善流姚州遇赦還

明

黃守鍾

宋黃庭堅之裔官於姚遂家焉

傑士忠

明學士傑斯之裔官於姚因卜居焉

鶴慶府

明

卓全郎

福建侯官人洪武間兵科給事中建言謫戍鶴慶禦因家焉

李文林

溫江人元末祖思忠任大理宣慰經歷父官宗遂家焉後移浪穹傳至文林偕

雲南通志

卷之二十四

流寓

十一

第文海占籍劍川登永樂己卯科鄉試鄉俗多所化導

車文琮

臨川人父業商寓籍劍川生文琮幼勤學登鄉薦知彭山縣有廉聲卒於官郡

人士多出其門

順寧府

本朝

曹應昌

號石霞麻城人崇禎己卯解元癸未進士博學多文父異之明末為雲州佐卒

於順寧昌於康熙癸卯來迎櫬遂寓順寧凡山水名勝多所題咏後卒於滇大理理刑楊

兆傑挈其櫬歸

楊應鶚

關東人任貴陽府同知吳淦叛安置順寧大師將入滇偽留守郭壯圖恐鶚倡

衆內應於十九年除夕移檄
爲將令致之死焉遂自縊

蒙化府

明

王汝敬

字敬夫山西人寓蒙教授生徒崇尚四
禮蒙俗一變其弟子舉於鄉者甚衆後

回籍成進士名重晉
陽謂之山西王道學

曹

學

字行之號太狂蜀人嘉靖初客游滇西
性豪放能詩草書適勁更精於畫性嗜

酒居榆之中和峯日繫錢與壺於驢背遣入
城市酒人知爲曹之驢也取錢貯酒復遣而
歸偶雪夜墜驢驢以身覆之得不死後同楊
慎寓蒙居數年卒他日驢經其墓撞死于側

雲南通志

卷之二十四

流寓

三